




دیلاج وریم لری ساهمان لایان : تبریز

tebriz@gmail.com

سیقارا چکن خوروز



بیر گوزه ل کن دین تارلا سیندا، قیزیل تاج
آدلی، گویچک بیر خوروز یاشایردی. بو تارلادا، گونلر
خوشلوق و شنلیک له کئچیردی. قیزیل تاج، تارلادا
کی آداملارلا حیوانلاری اویاتماق اوچون، هر سحر
تئزدن آییلاردی و ائودن چیخارکن، هر نه دن اول
بیر بویوک سیقارا یاندیریپ، گون باتانادک اونو
اوزوایله ساخلایاردی.



هئچ کیمسه قیزیل تاجین بو ایشینین نده نی نی
بیلمه ییردی. بو ایش یالنیز بیر پیس عادت کیمی
سایلیردی.

قیزیل تاجین، سیقارادان آیریلدیغی زامان، یالنیز
دووار باشینا چیخیب بانلایان زامان ایدی.

او، گوزلرینی یوموب سسله نیردی: قوقولوقووو...
او، بانلایاندان سونرا، هر یئری گزردی . بو ایشی ایله
آداملار، هابئله حیوانلارین اویانماغینا امین اولماق
ایسته ییردی.



او، گزر رکن بوغدا آنبارینین اونونده ،اکینچی کیشی
نی،دومانا بویانمیش،کول رنگلی تراکتورونامینر کن
گوروب اونون اویانماغیندان امین اولدو،سونرا هر
گونه تاي ،اکینچی نین ائوینه دوغرو یوللانیب اونون
قادینینی ،توستو- دومان ایچینده شریته پالتار
سره رکن گوردو.



قیزیل تاج هر شئی دومان ایچره گوره رکن اورادان
اوزاقلاشیب آتلارین اوتلاغینا یئتیشدی.



او آتلاری اویانیب،توستو – دومانلی دوزده
قاچدیقلارینی، ها بئله اکینجینین اوغلونو،دومانلی
گوللر دریب،قویونلاری ایسه دومانلی اوت یئر کن
گوردو.



او،تارلادا گزه – گزه ،نچه توستو- دومانلی
قازی،گوله یاخینلاشارکن گوردو.
قیزیل تاج گوله یئتیشدیکده، توستو – دومانلی
اوردک لرین اوزدوکلرینه باخماغا باشلادی.



او حالدا آياغينين آلتيندا كى قورباغانى گورمه
 ييب، محكم جه سينه يٿره ييخيلدى و آغزيندا كى
 بويوك سيقارا يٿره دوشدو.





قیزیل تاج، باشینی قالخیزدیقدا، داها گوزونون
اونونده کی توستو- دومان گورمه دی.
او، ایلک باشدا چئوره سینه باخدی، سونرا ایسه
قالخب تارلایا گوز گزدیردی. تارلا دا توستو -
دومان یوخ ایدی.

قیزیل تاج عومرونده ایلک دونه اولاراق تارلانی
دوغرو رنگینی گوردو. اوردک لرین گوزه ل - یاشیل
رنگلری واریدی. قازلار دوم- آغ رنگده
ایدیلر، کینچنین اوغلو، ساری- قیرمیزی بویالی گوللر

دریردی.قویونلار ایسه یاشیل اوتلاقلاردا
اوتلایر دیلار.



اکینجینین ائوی چوخ گوزه ل ایدی،تراکتور دا
قیرمیزی رنگلی ایدی. نه توستولو نه دومانلی!
بئله لیک له قیزیل تاج،بو ایشین یانلیش اولدوغونو
باشا دوشوب ،داها سیقارا چکمه مه یینه قرار
وئردی.چونکو او یاشامین دوغرو رنگینی سیقارا
چکمه یی بوراخاندان سونرا گوروب اوندان لذت
آپاریردی.



بئله اولدو كي سيقارا چكن خوروز، سيقاراني بوراخيپ
همشه ليك ترك ائتدي.
او باشادوشدو كي سيقاراني، ضرردن باشقا هئچ بير
فايداسي يوخدور.